



Atassut
Siverth K. Heilmann

29. september 2021
UKA 2021/130-1

Kalaallit Nunaanni pinerluttulerinermiik inatsimmik aamma Kalaallit Nunaanni eqqartuussisarnermik inatsimmik allanngineq pillugu inatsissatut siunnersuut (Covid 19-imik il.il. tunillaassuunnerit pinaveersaartinniarlugit akiorniarlugillu iliuusissanik atorunnaarsinneqarnera) pillugu Inatsisartut aalajangiiffigisassaattut siunnersuut.

(Ineqarnermut, Attaveqarnermut, Aatsitassanut, Inatsisit Atuutsinneqarneranut Naligiissitaanermullu Naalakkersuisoq)

Naalakkersuisunut ilaasortap Naalakkersuisut sinnerlugit saqqummiussaa pingaarutilik imatut naatsumik Atassutip oqaaseqarfigisavaa.

Naalakkersuisut Coronamik nunarsuaq tamakkerlugu tunillaassuuttoqarneranik inuppassuillu inuunerannik kinguneqarsimaneranik tunngavilersortoqarnera aammalu inatsisitigut naleqqussaasariaqalersimanerput pillugu Atassummiit isumaqataalluinnarpugut.

Atassutip inatsisitigut inuit pisinnaatitaaffeqarnerat ilisimaarilluarpaat ataqqillugillu. Taamaattorli nappaammik tuniluunneq pissutaalluni inuillu toqussutigisinnaasaannik kinguneqartartoq ilisimalersimagaluarlugu, pisortat naammattunik inatsisitigut tunngavissaqanngippata, naleqqussaansarput avaqqunneqarsinnaanngilaq.

Politiit oqariartaaseraat **Inuk imminut allanulluunniit navianartorsiortitsippat tigusarinittoqartariaqartoq.** Inatsimmik tunngaveqarluni pisussaaffiuisoq, imminulluunniit navianartorsiortikkaluarutta iliuuserisarsimasagut iluatsikkajuppagut.

1970-ikkut aallartilaarnerai nakorsaniik saaffigitikulasarpugut, **atoqatigiinneq aqqutigalugu tuniluuttoqarmangooq nakorsiaqquneqaraluarlutik takkussimangitsut angerlarsimaffiitut aaneqarnissanut ikiortiserineqartarpugut pisussaaffipullu naammassisarlugu.** Pisortat assigiinngitsorpassuartigut taamanikkut suleqatigiilluurtarpugut.

Aap qanga pisarsimasunut inuup inuuneranut navianartorsiutaasutut isigineqanngikkaluartut tuniluuttoqartarnerali akiorniarlugu iliuuserineqartarsimasut, Naalakkersuisut inatsimmik allannginiarannut sanilliutassaannngilluinnarpoq.

Taammaattumik pisariaqarluinnarpoq, nappaammik tuniluuffiusumik inuillu toqussutigisinnaasaannik ilisimalereersimagaluarlugu, akiuussutissamik kapitinnissamut allatulluunniit pisortat innersuussuteqarnerannik malinnikkumannngitsut, **imminut allanullu inuup inuuneranut navianartorsiortitsisut iliuuseqarnissarlu paaseqatigiissutiginnissaa avaqqunneqarsinnaanngilluinnartutut Atassummiit isumaqarfigalugu taperserparput.**

Taamatut Atassummiit naatsumik oqaaseqarluta inassutigissavarput suliap aappassaaneerineqartigani peqqissaarullugu ataatsimiitaliami susassaqartumik partiilersuunnagu suliarineqassasoq.